

Delegat Boris Krešić
Delegat Sandra Imširović
Bosna i Hercegovina
Federacija Bosne i Hercegovine
Parlament FBiH
Dom naroda
n/r predsjedavajućeg

Sarajevo 18.10.2019.

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno:	21-10-2019		
Org. jed.	Broj	Priloga	Vrijednost
02	- 02 -	1920	19

x7

U skladu sa odredbama Poslovnika o radu Doma naroda Parlamenta Federacije BiH, podnosimo

AMANDMAN

na Prijedlog Zakona o izmjeni Porodičnog zakona Federacije Bosne i Hercegovine

Amandman I

U Predloženom tekstu Zakona o izmjeni Porodičnog zakona Federacije Bosne i Hercegovine st. 2 mijenja se i glasi: ugovor iz st. 1 ovog člana punovažan je ako su potpisi na istom ovjereni kod notara, izuzev ugovora iz člana 259. ovog zakona za čiju punovažnost je nužno da isprava bude potvrđena (solemnizirana) od strane notara.

Obrazloženje

Zakonom o izmjeni Porodičnog zakona predloženo je da za punovažnost ugovora iz člana 258. st. 1 Porodičnog zakona nužno da isprava bude potvrđena, odnosno solemnizirana od strane notara. Ovakvo rješenje je neprihvatljivo jer se tom zakonskom odredbom ponovo daje ovlaštenje notarima da preduzimaju, odnosno vrše notarsku potvrdu isprava, što je u suprotnosti je sa odlukom Ustavnog suda F BiH broj U-15/10 od 05.12.2015.godine objavljene u „Službenima novinama F BiH“ broj 30/2016 i kojom su odredbe člana 73. Zakona o notarima oglašene neustavnim, a kojom odredbom su bili propisani pravni poslovi koje je preduzimao notar sačinjavanjem notarski obrađene isprave za izradu bračnog ugovora i presudom Ustavnog suda F BiH broj U- 22/16 („Službene novine FBiH“ broj 32/19) utvrđene su neustavnim odredbe člana 258. st. 2 Porodičnog zakona u dijelu kojim je propisano da je za punovažnost tog ugovora nužno da isprava bude notarski obrađena.

Međutim, za ugovor iz člana 259. Porodičnog zakona potrebna je notarski potvrđena, odnosno solemnizirana isprava iz razloga što se radi o bračnom partneru kojem je oduzeta poslovna sposobnost, a u čijem postupku učestvuje njegov staratelj sa odobrenjem organa starateljstva.

Predložene izmjene su prije svega u suprotnosti sa Presudom Ustavnog suda U-10/15 kojom je određeno da su odredbe člana 73. Zakona o notarima neustavne, prvenstveno iz razloga što se tom odredbom favorizuje jedna profesija, odnosno stvara monopol, po kojem

samo jedna pravna djelatnost može izraditi tu vrstu poslova. Predloženom izmjenom da je za punovažnost ugovora nužna notarski potvrđena (solemnizirana) isprava izrađena od strane notara bez izuzeća da isprava koju sačine advokati ili druga lica sa pravnim obrazovanjem kao i stranke koje odluče da same sačine tu vrstu isprave ponovo se uvodi monopol i nameće nepotreban trošak, odnosno novčani izdatak ugovornih strana.

S tim u vezi, ukazuje se na cijene notarskih usluga za izradu solemniziranih isprava u regionu, prvenstveno u Republici Hrvatskoj, koja je evropska zemlja i u kojoj je Zakon o javnom bilježištu na snazi od 1994. godine; a kojim je za punovažnost bračnog ugovora i drugih porodičnopравnih ugovora nužna notarski izvršena ovjera potpisa, ali ostavljena je mogućnost i za solemniziranje te vrste isprave. Za ovu vrstu poslova po tarifama u regionu, a prvenstveno u Republici Hrvatskoj naknada za ovjeru potpisa na ugovoru je 11 KM, a za solemniziranje isprave, odnosno ugovora čija vrijednost prelazi preko 50 000 KM je 625,00 KM. Ovo su iznosi koji proizilazi kroz proračun bodova iz tog Pravilnika, vrijednosti ugovora za solemniziranu ispravu, što iznosi preko 300 KM, a u većano za materijalne i druge notarske troškove, cijena solemnizacije iznosila bi preko 400 KM, a cijena ovjere 11 KM.

Dakle, iz naprijed opisanih razloga, prijedlozi izmjena i dopuna s kojim se za punovažnost bračnog ugovora uvodi nužna potvrda (solemnizacija) isprave je neosnovana, jer je ugovor volja ugovornih strana koje same kontrolišu sadržaj ugovora, pa notar samo vrši identifikaciju stranaka i vrši ovjeru, odnosno legalizaciju njihovih potpisa. Solemnizacija za stranke predstavlja nepotreban novčani izdatak. Iz prednjeg, ovaj amandman na predloženu izmjenju člana 258. st. 2 Porodičnog zakona se smatra osnovanim, pa predlažemo da ovaj Visoki dom isti usvoji.

Delegati Boris Krešić i Sandra Imširović

Sandra Imširović